إِنَّ الدِّينَ عِنْزَ اللهِ الْإِسْلَامُ



لَا الْمَ الْالْهُ مُحَمَّدُ زَّسُولُ اللهِ

Hutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

10 Février 2017 (12 Jamad'ul Awwal 1438 AH)

Après ki li fine salué tous so bane disciples (et tous bane musulmans) dans le monde entier avec la salutation de paix dans l'Islam, Hazrat Muhyi-ud-Din Al-Khalifatullah (atba) fine lire Tashahhud, Ta'uz, et Surah Al Fatiha, et li fine ensuite axé so Khutba Jummah lor « Promesse de l'Âme »:

Mo bane chers disciples, prend bien conscience ki bane musulmans ki copié bane Européens cherche la source de *Kawthar* dans ene mirage. Tous sa bane là zot bane ignorants de bane secrets de la foi; zot rempli de la haine et de rancune. La bonté et le bien zot couma dire bane lettre mort, inutile et sans valeur pour bane ki privilégiés (c'est-à-dire, bane riches de sa lémonde là); mo fine trouve seulement parmi bane dimounes pauvres et humble la vérité et la pureté. Apprane distingue bane dimounes de la religion (de la foi) et bane dimounes de la haine. Cherche ene vrai camarade et reste auprès de li.

Mo peur de sa l'époque ki fine trouve toi né, O mo cher disciple - toi ki le reflet de mo propre l'âme; Li (c'est-à-dire, sa l'époque là) noyé dans bane kitchoses matérielles, et pas conne presque nannié à propos de l'âme. Pareil couma lé corps perdi so valeur kan l'âme absent de sa lé corps là, l'homme de Dieu li cachiette en li-même. La recherche pas réussi pou trouve li, bien ki li trouve li (l'homme de Dieu) face à face. Alors pas renonce au goût de la recherche, même si cent

difficultés arrivé dans to la vie. Si to pas trouve la compagnie d'ene dimoune sage, prend de moi saki vine de mo papa et de mo bane ancêtres. Choisir mo maître (*Nabi Kareem*, le Saint Prophète Muhammad (saws)) comme compagnon de route, afin ki Allah accorde toi le désir et la ferveur (de la foi), parski mo maître (saws) conne faire la distinction et conne l'écorce (c'est-à-dire, saki apparent) et le noyau (c'est-à-dire, saki cachiette). So lipié pose fermement lor le chemin ki amène vers nous Camarade (Allah). Dimounes fine donne beaucoup explications à propos de li (*Nabi Kareem (saws)*), mais personne pas fine vraiment comprend li. So véritable sens fine échappe nous, pareil couma ene gazelle (ki nous pas capave attraper).

Bane dimounes fine apprane danser, avec zot lé corps, en récitant so bane paroles, mais zot lizié pas fine ouvert à la danse de l'âme! La danse du corps faire la poussière tourbillonner, tandi ki la danse de l'âme bouleverse bane les ciels (avec l'émotion); la science et la sagesse vine de la danse de l'âme; la terre et lé ciel aussi vine de sa danse là. Li donne ene dimoune la joie immense ki Hazrat Musa (as) ti ressenti; et grâce à sa, la communauté (de bane pieux) vine l'héritière du Royaume (d'Allah)! Alors apprane la danse de l'âme, c'est sa ki important; brûle tout sa ki na pas Dieu, c'est zis sa ki important. Tant ki lé cœur li enflammé de cupidité et tous bane tracas ki vine avec la cupidité, l'âme pas pou parvenir à danser. Ô mo bane disciples, mo l'esclave de celui ki conne domine li-même. Ô toi ki la paix de mo l'âme impatient, si to prend part à la danse de l'âme, mo pou dire toi le secret de la religion de *Nabi Kareem* (saws); pour toi, ziska dans mo tombe, mo pou adresse Allah bane *duahs*.

L'amour, c'est kan ene serviteur fine abandonne li-même, c'est kan li invoque so Seigneur constamment, ki li accompli tout saki li bizin accompli (c'est-à-dire, tous so bane devoirs), ki li guette vers Allah avec so lécœur, et l'amour c'est kan sa serviteur là fine consume li par bane la lumières de l'Être (huwiyya), kot li boire de l'eau limpide de l'affection d'Allah, et ki Celui ki impose So volonté lor li (c'est-à-dire, Allah) fine enlève pour li tous bane voiles ki récouvert So bane mystères. Alors, si sa serviteur là causer, c'est par Allah; si li exprime li, c'est au sujet d'Allah; si li faire ene signal, c'est sur l'ordre d'Allah; si li reste au repos, c'est avec Allah; Li (existé) par Allah, pour Allah, avec Allah.

Allah Le Très-Haut fine crée bane l'esprits six cent mille ans avant les corps, et zot fine resté, sans formes, dans l'océan de la Miséricorde. Dans sa l'océan là, bane l'esprits vive couma bane poissons. Allah Le Très-Haut fine adresse zot: "Eski Mo

pas zot Seigneur?" Zot tous fine réponne "Oui". Sa bane "oui" là varié avec intensité; ti ena ene grand diversité d'ene "oui" à ene l'autre "oui". Certains ti tout à fait purs. Allah Le Très-Haut pas fine permette ki le bien et le mal, le supérieur et l'inférieur zot mélangé ensam et ki mette zot dans même rang. Li (Allah) dire: "Zot tous fine dire "oui" d'ene sel la voix pour ki Mo envoye zot depuis sa lé monde de l'âme et lé cœur là ziska dans le monde de l'eau et de l'argile, afin ki bon et fausse la monnaie apparaite et ki séki pur li séparé de saki mélangé."

Si dans la boutique d'ene épicier ene zarico tombe dans tiroir de bane dattes, ou ene datte dans tiroir de bane zarico, patron là aussitôt sépare zot et place sak la grain dans so tiroir.

Tout kitchose retourne à so l'origine. Observe bane tiroirs ki trouve devant l'épicier: li place tout bien, espèce par espèce, li zoine sak type à so propre type. Par sa l'harmonie et cohérence là, li crée ene bel l'ordre. Si di bois d'aloès mêler avec du sucre, li sépare ene de l'autre. (Mais maintenant) Bane tiroirs fine cassé et bane l'âmes fine tombé (c'est-à-dire, fine déssane dans sa lé monde là). Le bien et le mal fine mêlé ensam. Allah fine envoye bane prophètes avec ene livre, afin ki zot triye bane la grains lor ene plateau.

Allah fine place kot l'épicier la balance et faculté pou discriminer (c'est-à-dire, pou mesurer et faire la différence entre saki bon et pas bon, entre saki ene la grain et l'autre la grain etc.). Couma eski alors li pou capave permette fausse la monnaie pou être confondue avec saki vraie, et la vérité avec le mensonge? Allah fine ordonne à bane l'esprits pou alle lor la terre afin ki Li examine zot et mette zot à l'épreuve : "Zot tous déssane de là!" Zot, bane l'esprit, zot pou quitte sa l'océan de la miséricorde là pour alle dans le monde de l'eau et de l'argile, ki rempli de souffrances, afin ki sakaine so valeur révéler: afin ki saki sincère li distingué de saki hypocrite, et saki digne de saki indigne. Kan Mo pou laisse zot dans sa lé monde de l'eau et de l'argile là, et ki Mo répanne devant bane zoiseaux ki zot l'âmes représenter, bane la grains bien doux de sa lé monde là (c'est-à-dire, bane plaisirs et bane kitchoses matérielles) c'est là alors ki apparaîte l'impureté du "oui"; celui ki attache li à bane telles la grains oublier l'alliance, l'affirmation, la joie et le secret de so "oui" initiale. Quant à celui ki pas succombe à bane plaisirs de sa lé monde là, ki pas abaisse li-même et pas abandonne li dans repos, alors pou sa dimoune là, pour sa l'âme là, li paraite clairement ki so "oui" ti bel et bien pur.

Allah fine faire de sa lé monde là la pierre de touche afin ki bane ki de bon qualité et valeur retourne au trésor du cœur et ki saki fausse la monnaie (c'est-à-dire, ki pas pure) reste lor la terre parmi bane débri de sa lé monde de l'eau et de l'argile là. La justice appelle à séki l'espèce li unie à so propre espèce. Allah ena ene ange ki ramène sak espèce vers so espèce.

Bane anges d'Allah zot bien nombreux. Service ki ene rendé pas ressembler à celui de l'autre. Bane anges dans côté droite écrire bane bons actions. Bane anges dans côté gauche écrire bane mauvais actions. Certains transporte la Tablette et le Trône (d'Allah). Certains tini le firmament, certains veille lors bane créatures. D'autres prié pour bane dimounes ki ena caractère noble et bane bienfaiteurs. D'autres encore maudit bane méchants et bane avares, en disant: "Ô Grand Dieu (Allah)! Donne à tous bane donateurs ene compensation, et à tous bane avares ene privation."

Le rôle de certains consister à réunir ene dimoune (ou ene l'autre créature d'Allah) avec bane ki ressembler li: zot (c'est-à-dire, sa bane anges là) pas laisse ene chameau ensam avec ene cheval, ni bane dimounes sincères avec bane menteurs, et sa bane anges là pressé pou réunir bane sincères avec bane sincères, et bane menteurs avec bane menteurs.

L'ange li sans qualifications et li incorporel (c'est-à-dire, li pas ena aucaine lé corps physique de sa lé monde matérielle là). Dans la nature de sak dimoune, ena ene ange ki cachiette dans so l'âme. Ene espèce, ki li l'homme ou ene animal ou ene zoiseau, li pou reste toujours avec bane ki pareil couma li, et si c'est pas le cas, alors li pou éloigner avec bane ki pas pareil couma li. Pou ene ange aussi pareil. Depuis l'époque avant l'éternité, la coutume divine ti coumsa! Puisque, à l'origine, Iblis ti au nombre de bane mécréants, Allah pas fine permette li ki li vine parmi bane anges. De même, l'océan bouyonné afin ki l'écume ki trouve dans li et ki cachiette dans so bane de l'eau et ki mélanger dans sa bane de l'eau là li rejeter en dehors, afin ki li séparer de li, et ki li (l'océan, de l'eau là) reste pur et sans dépôt. Bane ki pas ressembler à zot camarades zot bane étrangers.

Ena beaucoup bane l'exemples: sa dépanne de la façon ki l'homme considère bane kitchoses. Kan Allah Le Très-Haut rende ene dimoune lumineux, éveillé et voyant (spirituellement parlant), celui-ci apercevoir tous bane atomes de la terre et du ciel et bane l'univers ki trouve au-delà de l'espace ainsi ki l'autre lé monde. Tout saki existé travaille et agiter pour sépare li-même de saki pas de so l'espèce,

(X)

de so qualité. La joie et la perfection même consister en sa (principe là). L'homme simple et sans intelligence découvert li dans certaines kitchoses. Celui ki plus savant trouve d'avantage. Et celui ki plus parfait découvert le sens caché de tous bane kitchoses.

Donc demande beaucoup de *duahs* (avec Allah). Allah content ki So serviteur lève so la mains en toute l'humilité vers Li pour demande Li tout saki li bizin. Kan zot demande bane *duahs*, garde beaucoup l'espoir ki sa bane *duahs* là pou accepté. Pas oublier surtout zot bane frères et sœurs ki opprimé partout dans le monde entier. Demande aussi l'aide d'Allah afin ki nous capave débarrasse nous de bane tyrans ki dirige bane l'états musulmans, et rétablir la Volonté d'Allah en toute suprématie lor la terre. *Ameen*.

INDERNATION DE LA PRINCIPA DE LA PR